

三經同卷九

辭九

罪業報應教化地獄經

龍王兄弟經

長者音悅經

佛說罪業報應教化地獄經

後漢安世高譯

如是我聞一時佛住王舍城耆闍崛山中與菩薩摩訶薩及聲聞眷屬俱亦與比丘比丘尼優婆塞優婆夷及諸天龍鬼神等皆悉集會爾時信相菩薩白佛言今有地獄餓鬼畜生奴婢貧富貴賤種類若干唯願世尊具演說法若有眾生聞佛說法如孩子得母如病得醫如裸得衣如闇得燈世尊說法利益眾生亦復如是

爾時世尊觀時已至見斯菩薩勸請慇懃即放眉間白毫相光照于世界地獄休息苦痛安寧爾時一切受罪眾生尋佛光明來詣佛所遶佛七匝為佛作禮勸請世尊敷演道化

今此眾生得蒙解脫

爾時信相菩薩為諸眾生而作發起前白佛言世尊今有受罪眾生為諸獄卒剉確斬身從足斬之乃至其頂斬之已訖旋風吹活而復斬之何罪所致佛言以前身時坐齋日殺生不信三尊不孝父母屠兒魁膾斬截眾生故獲斯罪

第二復有眾生身體頑痺眉鬚墮落舉身洪爛鳥栖鹿宿人跡永絕玷汙親族人不喜見名為癩病何罪所致佛言以前世時坐不信三尊不孝父母破壞塔寺剝脫道人斫射賢聖傷害師長常無返復背恩忘義常行苟且媮匿所尊不避親疎無有羞耻故獲斯罪

第三復有眾生身體長大聾聵無足宛轉腹行唯食泥土以自活命為諸小虫之所咬食常受此苦不可堪處何罪所致佛言以前世時坐為人自用不信好言善語不孝父母反慶時君若為帝王大臣四鎮方伯州郡令長

里禁督護恃其威勢侵奪民物無有道理使民苦悴呼嗟而行故獲斯罪

第四復有衆生兩目盲瞎都無所見或抵樹木或陷溝坑於時死已更復受身亦復如是何罪所致佛言以前世時坐不信罪福障佛光明縫鷹眼合籠繫衆生皮囊盛頭不得所指三經同

見故獲斯罪

第五復有衆生蹇吃瘡瘻口不能言若有所說閉目舉手乃不言了何罪所致佛言以前世時坐誹謗三尊輕毀聖道論他好醜求人長短強誣良善憎嫉賢人故獲斯罪

第六復有衆生腹大項細不能下食若有所食變成膿血何罪所致佛言以前世時偷盜僧食或為大會福食屏處偷啜悋惜己物但貪他財心常行惡與人毒藥氣息不通故獲斯罪

第七復有衆生常為獄卒燒熱鐵釘釘人百節骨頭釘之已訖自然火生焚燒其身悉皆

焦爛何罪所致佛言以前世時坐為針灸醫師針人身體不能差病枉取他物使受苦痛令他苦惱故獲斯罪

第八復有衆生常在鑊湯中為牛頭阿傍以三股鐵叉內着鑊中煮之令爛還復吹活而復煮之何罪所致佛言以前世時信邪倒見祠祀鬼神屠殺衆生湯灌搗毛鑊湯煮之不可限量故獲斯罪

第九復有衆生常在火城中塘煨齊心四門俱開若欲趣向門即自閉東西馳走不能自免為火燒盡何罪所致佛言以前世時坐焚燒山澤火燒雞子燒他村陌燒諸衆生身指三經同爛

皮剥故獲斯罪

第十復有衆生常在雪山中為寒風所吹皮肉剥裂求死不得何罪所致佛言以前世時坐橫道作賊剥脫人衣使冬月之日令他凍死或復生剥牛羊皮痛不可堪故獲斯罪
第十一復有衆生常在刀山劍樹上若有所

捉即便割傷枝節斷壞何罪所致佛言以前
世時屠殺為業害眾生屠割剝切骨肉分
離頭脚星散懸於高格稱量而賣或復生懸
眾生苦痛難處故獲斯罪

第十二復有眾生五根不具何罪所致佛言
以前世時坐飛鷹走狗彈射禽獸或斷其頭
或斷其足生滅鳥翼故獲斯罪

第十三復有眾生寧筴背僂腰臃不隨脚踏
手折不能操涉何罪所致佛言以前世時坐
為人僭剋行道安槍或安射戈羅施張涼窸
陷墜眾生傷損非一故獲斯罪

第十四復有眾生常為獄卒桎梏其身不得
免脫何罪所致佛言以前世時坐網捕眾生
籠枷鎖繫而畜或為帝主令長貪取民錢財
枉繫良善怨酷呼天不得從意故獲斯罪

第十五復有眾生或癩或狂或癡或駭不別
好醜何罪所致佛言以前世時坐耽荒嗜酒
無有度量飲酒醉亂犯三十六失後得癡身

如似醉人不識尊卑好醜故獲斯罪

第十六復有眾生其形甚小陰藏甚大挽之
身疲皆復進引行步坐卧以之為妨何罪所
致佛言以前世時坐治生販賣自譽已物毀
辱他物矯升弄斗躡秤前後欺誑於人故獲
斯罪

第十七復有眾生男根不具為黃門身不得
聚妻何罪所致佛言以前世時坐喜徒象馬
牛羊猪狗不可稱數令此眾生苦痛難忍死
而復蘇故獲斯罪

第十八復有眾生從生至老無有兒子孤立
獨存何罪所致佛言以前世時坐為人暴惡
三經同

不信罪福百鳥產乳之時賣持瓶器順大水
渚求拾鴻鵠鸚鵡鵝鴈諸鳥子外擔歸煮噉
諸鳥失子悲鳴叫裂眼中血出故獲斯罪

第十九復有眾生少小孤寒無有父母兄弟
為他作使辛苦活命長大成入橫罹殃禍縣
官所縛繫閉牢獄無人追餉飢窮困苦無所

告及何罪所致佛言以前世時坐喜捕拾鷓鷯鷹鶴鷓鷯熊羆虎豹枷鎖而畜孤此眾生父母兄弟常恒憂念悲鳴叫裂哀感人心不能供食常苦飢餓骨立皮連求死不得故獲斯罪

第二十復有眾生其形甚醜身體黑如漆兩耳復青頭頰俱培胞面平鼻兩眼或黃赤牙齒踈缺口氣腥臭短擁腫大腹凸髓脚復繚廢僂脊曲肋費衣健食言語失則行步勦貸惡瘡膿血水腫乾消疥癩癰疽種種諸惡集在其身雖親附人人不在意若他作罪橫罹其殃永不見佛永不聞法永不識僧河羅所致佛言以前世時坐為子不孝父母為目不忠其君為君不敬其下朋友不以其信鄉黨不以其齒朝廷不以其爵趣為趣作心意顛倒無有其度不信三尊殺君害師伐國掠民攻城破塢偷寨過盜惡業非一美已惡人侵凌孤老誣謗賢善輕慢尊長欺誑下賤一

若三徑同

五

切罪業皆具犯之眾惡集報故獲斯罪

尔時一切受罪眾生聞佛作如是說號泣動地淚下如雨而白佛言唯願世尊久住說法化我等輩令得解脫佛言若我久住德薄之人不種善根謂我常在不念無常善男子譬如孩兒母常在側不生難遭之想若母去者便生渴仰思戀之心母方還來乃生歡喜善男子我今亦復如是知諸眾生善惡業緣受報好醜故般涅槃于時世尊即於罪眾生前而說偈言

水流不常滿 火盛不久然 日出須臾沒 月滿已復缺 尊榮豪貴者 無常復過是

念當勤精進 頂禮無上尊

尔時世尊說斯偈已諸受罪眾生白佛言世尊作何善行得離斯苦佛言當勤孝順父母敬事師長歸奉三尊勤行布施持戒忍辱精進禪定智慧慈悲喜捨怨親平等同已無二不欺孤老不輕下賤護彼如已汝等若能如

是修行則為已得報佛之恩永離眾苦說是經已菩薩摩訶薩即得阿耨多羅三藐三菩提聲聞緣覺即得六通三明具八解脫有得法眼淨者若有眾生得聞是經不墮三塗八難之處地獄休息苦痛安寧信相菩薩曰佛言當何名此經云何奉持佛告信相菩薩善男子此經名為罪業應報教化地獄經當奉持之廣令流布功德無量諸天大眾聞經歡喜五體投地作禮奉行罪業應報教化地獄經佛說龍王兄弟經

吳月支優婆塞支謙譯

聞如是一時佛在舍衛國祇洹阿難邠坻阿藍時有無央數比丘僧皆阿羅漢也阿難邠坻至佛所作禮却坐佛言人當布施持戒忍辱精進禪定智慧阿難邠坻聞之歡喜即起白佛明旦請佛及比丘僧降德到舍設齋食佛默然阿難邠坻遠佛三市而去佛告比丘

僧旦日當上天投日中下會阿難邠坻舍佛如伸臂頃即住虛空中羅漢名須檀正衣服於虛空中長跪白佛我恒上下未嘗具如今日也佛言有兩龍王瞋恚作變吐氣為雲故也復有羅漢名愛波白佛欲行止之佛言此龍大有威神汝行者必當興惡意出水沒殺六天下人民大目捷連復正衣服長跪虛空中問佛今日以冥不復見須彌山帝釋宮殿下已質樹子佛言有兩龍王一名難頭二名和難大瞋恚言何等沙門欲飛過磨我頭上龍身繞須彌山七市以頭覆其上吐氣出霧故冥目連白佛往呵止之佛言大善目連統佛三市而行釋提桓因從八万八千玉女於後園相娛樂目連先過其所天帝迎之誓首作禮相問訊已乃到龍所兩龍見之大怒便變化出烟須臾復出火目連以佛意亦變化烟火繞兩龍三重稍前分身入兩龍身中右目入左目出左目入右目出右耳入左耳出左